

৬ ফেব্রুয়ারি ২০২০ইং

## সংবাদ বিজ্ঞপ্তি

### আইইডিসিআর-এ সাংবাদিকদের অবহিতকরণ

আজ দুপুর ১২টায় আইইডিসিআর সম্মেলন কক্ষে সাংবাদিকদের বাংলাদেশে ২০১৯- nCoV পরিস্থিতি সম্পর্কে অবহিত করা হয়। সাংবাদিকদেরকে সর্বশেষ পরিস্থিতি তুলে ধরেন আইইডিসিআর-এর পরিচালক প্রফেসর ডা. মীরজাদী সেব্রিনা ফ্লোরা।

#### বৈজ্ঞানিক তথ্য

সংবাদ সম্মেলনে সর্বশেষ বৈজ্ঞানিক তথ্য উদ্ধৃত করে বলা হয় যে, মানুষের দেহে ২০১৯- nCoV ভাইরাস প্রবেশের পর লক্ষণ দেখা দেয়ার আগে মানুষ থেকে মানুষে ভাইরাস ছড়ায় না। এর আগে বিজ্ঞানীরা জানিয়েছিলেন যে, লক্ষণ দেখা দেয়ার আগে ভাইরাস আক্রান্ত ব্যক্তি অন্য মানুষের দেহে ভাইরাস ছড়াতে পারে। কিন্তু সর্বশেষ বৈজ্ঞানিক গবেষণা সে ধারণাকে বদলে দিয়েছে।

### আশাকোনা কোয়ারান্টাইন কেন্দ্র পরিস্থিতি

#### পরিদর্শন

গতকাল ৫ ফেব্রুয়ারি স্বাস্থ্য অধিদপ্তরের মহাপরিচালক প্রফেসর ডা আবুল কালাম আজাদের নেতৃত্বে উচ্চপদস্থ কর্মকর্তাদের একটি দল আশাকোনা কোয়ারান্টাইন কেন্দ্র পরিদর্শন করেন। তাঁরা কোয়ারান্টাইনকৃত উহানফেরত যাত্রীদের স্বাস্থ্যসেবা ও অন্যান্য সেবার ব্যবস্থাপনা প্রত্যক্ষ করে বিভিন্ন পরামর্শ দেন ও সার্বিক পরিস্থিতিতে সন্তোষ প্রকাশ করেন। তাঁরা কোয়ারান্টাইনকৃত যাত্রীদের সাথে সাক্ষাৎ করেন ও তাদের নানা সমস্যা সম্পর্কে অবহিত হন। কোয়ারান্টাইনকৃত যাত্রীগণ সার্বিক ব্যবস্থাপনার জন্য কর্তৃপক্ষকে ধন্যবাদ জানান। প্রতিনিধিদলে অন্যান্যদের মধ্যে ছিলেন আইইডিসিআর-এর পরিচালক অধ্যাপক ডা মীরজাদী সেব্রিনা ফ্লোরা ও স্বাস্থ্য অধিদপ্তরের রোগ নিয়ন্ত্রণ শাখার পরিচালক অধ্যাপক ডা শাহনীলা ফেরদৌসী।

#### কোয়ারান্টাইনকৃতদের স্বাস্থ্য পরিস্থিতি

গত ০৪/০২/২০২০ রাতে তিন বছরের একটি শিশু অসুস্থ হয়ে পড়ায় তার বাবা-মা সহ তাকে সম্মিলিত সামরিক হাসপাতালে স্থানান্তর করা হয়। ২০১৯-nCoV পরীক্ষার জন্য তার নমুনা সংগ্রহ করা হয়েছে।

আশাকোনাতে কোয়ারান্টাইনে আছেন ৩০০ জন, কুর্মিটোলা হাসপাতালে ১ জন ও সম্মিলিত সামরিক হাসপাতালে আছেন ১১ জন।

#### যাত্রীদের অভিভাবকদের প্রতি অনুরোধ

কোয়ারান্টাইনকৃত যাত্রীদের পরিবারের সদস্যবৃন্দ ও অভিভাবকদেরকে উদ্দিগ্ন না হতে অনুরোধ করা হয়েছে। অভিভাবকদের কেউ কেউ আশকোনা কোয়ারান্টাইন কেন্দ্রের প্রধান ফটকে অবস্থান করছেন। আইইডিসিআর-এ অভিভাবকদের নিয়মিতভাবে প্রতিদিন বিকেল তিনটায় যাত্রীদের স্বাস্থ্যগত তথ্য অবহিত করা হবে।

#### স্বাস্থ্য উপদেশ

- হাসপাতালে ও বাড়ীতে সংক্রমণ প্রতিরোধের জন্য সংশ্লিষ্ট কর্তৃপক্ষ ও ব্যক্তিদেরকে যথাযথ ব্যবস্থা নিতে হবে।
- যারা সুস্থ আছেন তাদের মাস্ক পরা দরকার নেই। যারা সর্দি-কাশিতে ভুগছেন গুধু তারাই ঘরের বাইরে বের হলে মাস্ক পরবেন। তবে ঘরে ফেরার আগে ব্যবহৃত মাস্কটি মুখ ঢাকা বিনে ফেলবেন, যেন কেউ কুড়িয়ে আবার তুলে নিতে না পারে।

#### ২০১৯-nCoV সংক্রান্ত সর্বশেষ পরিস্থিতিঃ (৬ ফেব্রুয়ারি ২০২০ইং)

ডবল্লয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
এ পর্যন্ত বিমান বন্দরে চীন থেকে আগত স্কিনিং কৃত যাত্রীর সংখ্যা	৪০৯	৭৬৯৩
স্কিনিংএর মাধ্যমে বিমান বন্দরে সনাক্তকৃত সন্দেহজনক রোগীর সংখ্যা	০	০
আইইডিসিআর হটলাইন এ মোটকলের সংখ্যা	১৩৫	১০৮৮
আইইডিসিআর হটলাইন এ ২০১৯-nCoV সংক্রান্ত মোট কলের সংখ্যা	১১৭	৭৯৩
আইইডিসিআর এ আগত ২০১৯-nCoV সংক্রান্ত মোট সেবাগ্রহীতার সংখ্যা	০৪	৪৭
২০১৯-nCoV পরীক্ষা করা মোট নমুনার সংখ্যা	০	৫০
নিশ্চিতকৃত nCoVএর মোট রোগীর সংখ্যা	০	০

প্রয়োজনে আইইডিসিআর-এর হটলাইন নম্বর এ যোগাযোগ করুন :

০১৯২৭৭১১৭৮৪, ০১৯২৭৭১১৭৮৫, ০১৯৩৭০০০০১১, ০১৯৩৭১১০০১১

#### প্রতিরোধে করণীয়

- ঘন ঘন সাবান ও পানি দিয়ে হাত ধুবেন (অন্তত ২০ সেকেন্ড যাবৎ)
- অপরিস্কার হাতে চোখ, নাক ও মুখ স্পর্শ করবেন না
- ইতোমধ্যে আক্রান্ত এমন ব্যক্তিদের সংস্পর্শ এড়িয়ে চলুন
- কাশি শিষ্টাচার মেনে চলুন (হাঁচি/কাশির সময় বাহু/ টিস্যু/ কাপড় দিয়ে নাক-মুখ ঢেকে রাখুন)
- অসুস্থ পশু/পাখির সংস্পর্শ পরিহার করুন
- মাছ-মাংস ভালোভাবে রান্না করে খাবেন
- অসুস্থ হলে ঘরে থাকুন, বাইরে যাওয়া অত্যাৱশ্যক হলে নাক-মুখ ঢাকার জন্য মাস্ক ব্যবহার করুন
- জরুরী প্রয়োজন ব্যতীত চীন ভ্রমণ করা থেকে বিরত থাকুন এবং প্রয়োজন ব্যতীত এ সময়ে বাংলাদেশ ভ্রমণে নিরুৎসাহিত করুন

- অত্যাৱশ্যকীয় ভ্রমণে সাবধানতা অবলম্বন করুন

স্বা/ =

অধ্যাপক ডাঃ মীরজাদী সেব্রিনা ফ্লোরা  
পরিচালক

ফোন নম্বরঃ ০২-৯৮৪২২৭০